

Ամերիկահայութեան Գործունեութեան Դաշտի Առաջարկներ

Ամերիկեան նշանաւոր խօսք մը կայ. "All politics is local." Այսինքն քաղաքականութիւնը տեղական է ու կը կապուի տեղի ժողովուրդի պայմաններուն եւ մակարդակին հետ: Ուրեմն, ամէն ամերիկահայ, մանաւանդ անոնք, որոնք որոշ յաջողութիւններու հասած են տնտեսական, գիտական, մշակոյթի թէ այլ ասպարէզներու մէջ, պէտք է ներգրաւուին երկրի պետական, քաղաքական եւ տնտեսական գործընթացին մէջ եւ իրենց ազդեցութիւնը բանեցնեն ի շահ թէ՛ տեղի բարելաւումներու եւ թէ՛ այդ ճամբով այ նպաստելու հայութեան շահերուն:

Այս նպատակը իրագործելու համար անհրաժեշտ կը գտնեմ ամէն բանէ առաջ նախ՝ համատեղել հայկական lobby-ին առաջադրանքները, առաջնահերթը տարբերել երկրորդականներէն եւ վերամշակել ծրագրաւորուած նպատակային աշխատանքը: Այս ծրագրի յաջողութիւնը ապահովելու համար, նախ տեղեկատուական եւ համագործակցութեան անմիջական կապ պէտք է ստեղծել ԱՄՆ-ու բոլոր կարեւոր շրջաններուն եւ ակտիւ գործիչներուն միջեւ:

Նախընտրելի պիտի ըլլայ, որ ԱՄՆ-ու բոլոր շրջաններուն գործիչներէն ներկայացուցիչներ, առուագն տարին մէկ անգամ համագումարի մը ծիրին շուրջ հանդիպում մը ունենան, միասնաբար որդեգրելու եւ որոշելու համար նոր մարտահրաւերները:

Ամէն մէկ ամերիկահայ անձ, պէտք է պարտականութիւնը զգայ իր շրջապատին մէջ ինքզինք ճանչնալու տեսակ մը իբրեւ Հայաստանի ու Արցախի «ներկայացուցիչ», Ամերիկայի ընկերային եւ հասարակական կեանքի ամենապարզ մակարդակէն մինչեւ պետական ոլորտները ծանօթացնելու համար ընդհանրապէս հայութիւնը եւ զայն յուզող ազգային, մշակութային, քաղաքական եւ տնտեսական հարցերը:

Ամերիկահայ lobby-ին եւ անոր անդամակցողները գործի դնելով իրենց անձնական կապերը, Ամերիկայի մէջ տեղական, նահանգային թէ դաշնակցային մակարդակներով ջանք պէտք չէ խնայեն կարենալ անցկացնելու համար հայանպաստ որոշումներ: Նոյնը պէտք է միշտ արթուն եւ գործունեայ ըլլայ, առաջքն առնելու համար բոլոր այն քարոզչական հակահայկական վտանգները, որոնք մեկնարկուած են Թուրքիոյ եւ Ադրպէյջանի պետականքաղաքական շրջանակներէն:

Նոր թափ պէտք է տրուի նպաստելու ԱՄՆ-Հայաստան կապերու սերտացման, ըլլան անոնք քաղաքական, տնտեսական, մշակութային, թէ այլ մարզերու մէջ:

Հակառակ Ադրպէյջանի քաղաքական եւ տնտեսական շրջանակներուն կողմէ տարուած հակահայ գործունեութեան եւ այս նպատակին համար անոնց տրամադրած նիւթական մեծագումար ներդրումներուն, Ամերիկայի հայկական lobby-ին եւ անոր անդամակցողները պէտք չէ զլանան, այլ աւելի ծրագրաւորուած նպատակային

մօտեցումներով պետք է լծուին Արցախի ինքնորոշման եւ անկախութեան ճանաչման, ինչպէս նաեւ անոր սահմաններուն անվտանգութիւնը ապահովելու աշխատանքով:

Այսօր հիւսիսային Ամերիկայի մէջ գոյութիւն ունի շուրջ երկու միլիոնանոց հայկական գաղութ մը, որ մեծ յաջողութիւններ արձանագրած է երկրի ընկերային, մշակութային կեանքի, տնտեսական, ինչու չէ նաեւ քաղաքական ասպարեզներուն մէջ: Հակառակ անոր, որ Ամերիկայի նահանգներէն արդէն 48-ն, շնորհիւ հայութեան կազմակերպած մեծ ներդրումներուն արդէն ճանաչած է Հայկական Յեղասպանութեան պատմական փաստը, բայց պետութիւնը իբրեւ այդպիսին, քաղաքական եւ տնտեսական շահերէ մեկնելով դեռ կը համենայ վեջնականապէս վաւերացնելու Հայկական Յեղասպանութեան իրողութիւնը՝ ի նպաստ Թուրքիոյ միշտ իր քաղաքական եւ ռազմավարական առաջնահերթութիւններուն հրամայական նախապայմանի մը “raison d’etat”-ի մը վերագրելով զայն:

Վերեւ նշուած կետերը կու տան ընդհանուր պատկեր մը այն ընդարձակ գործունէութեան դաշտին, որ ամէն մէկ ամերիկահայ պետք է ի մտի ունենայ եւ ընելով իր լաւագոյնը նպաստելու անոնց իրականացման:

Վազգեն Կալթակճեան

ՄԴՀԿ-ի Կենտրոնական վարչության անդամ, ՄԴՀԿ հայ-ամերիկյան խորհրդի
Լուիզիանայի մասնաճյուղի նախագահ